


საპარტიველოს ს.ო.ც.



საბჭ. რესპუბლიკის

მუშათა და გლეხთა მთავრობის



კანონთა და განკარგულებათა კრებული

1928 წ.

იუსტიციის სასკალსო კოშისკარიატის ცამოცემა

1928 წ. იანვარი 13

№ 12

ნაწილი კირკალი

შ ი ნ ბ ა რ ს ი:

ცენტრალური აღმასრულებელი კომიტეტის დადგენილებანი.

- 114. დადგენილება № 52 ც. ა. კ. და ს. კ. ს.—ჯანმრთელობის სახალხო კომისარიატთან არსებულ მთავარ საკურორტო სამმართველოს დებულების შეცვლის შესახებ.
- 115. დადგენილება № 54 ც. ა. კ. და ს. კ. ს.—შრომის გმირთა შესახებ.
- 116. დადგენილება № 59 ც. ა. კ. და ს. კ. ს.—სათამაშეტო დებულების მე-15, 16 და 17 მუხ. შეცვლისა და შეესების შესახებ.
- 117. დადგენილება № 60 ც. ა. კ. და ს. კ. ს.—საქართველოს ს. ს. რ. ნამოქალაქო სამართლის საპროცესო კოდექსის 250—254 მუხ. შეცვლისა და ამავე კოდექსისათვის 254¹ და 254² მუხ. დაშატების შესახებ.

სახალხო კომისართა საბჭოს დადგენილებანი.

- 118. დადგენილება ს. კ. ს.—მიწნობრივი საბინაო გადასახადის შემოსავლის 20%—ის რესპუბლიკანურ ფონდში გადაირიბვის თაობაზე 1927 წ. ოქტომბრის 5-ის თარიღით გამოცემული დადგენილების გაუქმების შესახებ.
- 119. დადგენილება ს. კ. ს.—საქართველოს ს. ს. რ. ეკონომიურ საბჭოსთან არსებული, საზომ-საწონათა მეტრული სისტემის შემოღები საუწყებათაშორისო კომისიის ლიკვიდაციის შესახებ.
- 120. დადგენილება ს. კ. ს.—სამელიორაციო ამხანაგობათა შესახებ.
- 121. დადგენილება ს. კ. ს.—მუშათა და გლეხთა წითელი არმიის საკომანდო შედგენილობისა და კავშირგაბმულობის მომუშავეთათვის საცხოვრებელი სივრცის მიცემის შესახებ.
- 122. დადგენილება ს. კ. ს.—განათლების სახალხო კომისარიატისათვის საშაბტრო კოლექციებისა და ნივთების გადაცემის შესახებ.
- 123. დადგენილება ს. კ. ს.—სოფლად საეკლდებულო საგანავეთო დაზღვევის პრემიების შეკრების სათემო აღმასრულებელი კომიტეტებისათვის დაკისრების შესახებ.

სენსრალური აღმასრულებელი კომიტეტის დადგენილება.

114. დადგენილება № 52 ც. ა. კ. და ს. კ. ს.

ჯანმრთელობის სახალხო კომისარიატთან არსებულ მთავარ საკურორტო სამმართველოს დებულების შეცვლის შესახებ.

სრულიად საქართველოს ცენტრალური აღმასრულებელი კომიტეტი და საქართველოს სოც. საბჭ. რესპ. სახალხო კომისარიატის საბჭო ადგენენ:

I.

სრულიად საქართველოს ცენტრალური აღმასრულებელი კომიტეტისა და საქართველოს სსრ სახალხო კომისარიატის საბჭოს 1925 წლ. ივნისის 25-ს თარიღისა და 33 №-ის დადგენილებით დამტკიცებულ და სამოქმედოთ შემოღებულ დებულებაში „ჯანმრთელობის სახალხო კომისარიატთან არსებული მთავარი საკურორტო სამმართველოს შესახებ“ (საქართველოს სსრ კან. კრ. 1925 წ. მე-2 №-ი, მუხ. 45) შეტანილ იქნეს შემდეგი ცვლილებანი:

1) მუხ. 8—24 მიღებულ იქნეს შემდეგი რედაქციით:

მუხ. 8—მთავარ საკურორტო სამმართველოს სათავეში სდგას უფროსი, რომელიც ერთპიროვანად გადასწვეტს ყოველ საკითხს და პასუხისმგებელია ჯანმრთელობის სახალხო კომისარიატის წინაშე სამმართველოს და მისი ქვემდებარე ყველა დაწესებულების მოქმედებისათვის საკურორტო წამლობის დაყენებისა და კურორტების სიმდიდრეთა ექსპლოატაციის საქმეში. მთავარ საკურორტო სამმართველოს უფროსს ჰყავს მოადგილე, რომელიც იმავე დროს არის საგეგმო კომისიის თავმჯდომარე, ხოლო რომელსაც უფროსის არ ყოუნის დროს აქვს ამ უკანასკნელის ყველა უფლება. მთავარ საკურორტო სამმართველოს უფროსსა და მის მოადგილეს შორის მუშაობის განაწილება მოხდება წინასწარ შემუშავებული გეგმის თანახმად.

მუხ. 9—მთავარი საკურორტო სამმართველო შესდგება ორი ნაწილისაგან:

ა) საკურორტო-სასანიტარო და ბუნებრივ სიმდიდრეთა დაცვისა და ბ) სამეურნეო-საფინანსო ნაწილისაგან. თვითველ ნაწილს მეთაურობს მთავარ საკურორტო სამმართველოს უფროსის თანაშემწე, რომელიც განაგებს სათანადო ნაწილს ამა დებულების საფუძველზე და განსაკუთრებული ინსტრუქციის თანახმად. ორივე ნაწილს მომსახურებას გაუწევს საქმეთა მმართველობა (საერთო განყოფილება), რომელსაც უშუალოდ განაგებს მთავარ საკურორტო სამმართველოს უფროსი ან, მისი დავალებით, უფროსის მოადგილე.

მუხ. 10—საერთო და პრინციპიალური საკითხების განსახილველად ნაწილებისა და განყოფილებების მუშაობის შესათანხმებლად მთავარ საკურორტო სამმართველოში არსებობს საგეგმო კომისია, რომელიც მოქმედებს ჯანმრთელო-



ბის სახალხო კომისრის მიერ დამტკიცებულ განსაკუთრებული დებულების ნახმაღ.

მუხ. 11—საქმეთა მმართველობის (საერთო განყოფილების) მოქმედების საგანს შეადგენს:

ა) ხელმძღვანელობა საერთო კანცელარიისა;
ბ) შემუშავება საორგანიზაციო და საშტატო საკითხებისა, როგორც მთავარ სამმართველოსათვის, ისე მისი ქვემდებარე დაწესებულებათათვის;

გ) ურთიერთი მიმართვა მთავარ საკურორტო სამმართველოსა და ყველა დაწესებულებასა და პირს შორის;

დ) შესრულება მთავარ საკურორტო სამმართველოს უფროსის საერთო განკარგულებისა, რაც განყოფილებათა გამგეობის საგანს არ ეხება;

ე) დამხადება მოსახსენებლად მთავარ საკურორტო სამმართველოს შემოსულ საერთო ხასიათის მიწერ-მოწერისა და შედგენა საერთო მოხსენებებისა.

ვ) აღწესება მთავარ საკურორტო სამმართველოს და მისი ადგილობრივ ორგანოების პირადი შედგენილობისა და მთლად საქმის წარმოება; რეგისტრაცია ტფილისში მოსულ მთავარ საკურორტო სამმართველოს ადგილობრივი ორგანოების თანამშრომლებისა;

ზ) ბრძანებათა დავთრის წარმოება;

თ) ბეჭდის და არქივის შენახვა;

ი) საგვემო კომისიის დადგენილებათა აღსრულებისათვის თვალყურის დევნება.

კ) საფოსტო-სატელეგრაფო და სატელეფონო კავშირგაბმულობა;

ლ) საკანცელარიო საგნების შენახვა და გაცემა.

მუხ. 12—სამკურნალო-სასანიტარო და ბუნებრივ სიმდიდრეთა დაცვის ნაწილი ხელმძღვანელობას უწევს მთლად კურორტებზე წამლობის საქმის დაყენებას, სამკურნალო-სასანიტარო დაწესებულებათა მოწყობას, კურორტებზე საერთო კეთილ-მოწყობის საქმეს და სამკურნალო მნიშვნელობის ბუნებრივ სიმდიდრეთა დაცვას. ამ ნაწილისათვის დაკისრებული საქმე განხორციელდება სამი განყოფილების მეშვეობით: ა) სამკურნალო-სასანიტარო, ბ) სატექნიკო და გ) საადგილმამულო-სატყეო განყოფილებისა.

მუხ. 13—სამკურნალო-სასანიტარო განყოფილების გამგებლობის საგანს შეადგენს:

ა) გაუწიოს საერთო ხელმძღვანელობა სახელმწიფოებრივი და ადგილობრივი მნიშვნელობის კურორტებზე სამკურნალო საქმის დაყენებას და შეადგინოს სამკურნალო მუშაობის ყოველწლიური გეგმა;

ბ) გაუწიოს საერთო ხელმძღვანელობა კურორტებზე გასაგზავნ ავადმყოფთა სისწორით შერჩევა-განაწილების საქმეს.

გ) გაუწიოს კონტროლი სამეცნიერო საკურორტო დაწესებულებას;

დ) განაგოს მთავარ საკურორტო სამმართველოს გამომკვებლობა;

ე) შეისწავლოს ყოველმხრივ კურორტები, მინერალური წყლები და ტალახები კარგი ნიშნებისა და უარყოფითი ნიშნების დაწერილებით გამოსარკვე-

ვად; მოსახლეობისათვის ინფორმაციის მიწოდება კურორტების მდგომარეობისა და მათ გამოყენების შესახებ;

ვ) გაუწიოს ხელმძღვანელობა მთავარ საკურორტო სამმართველოს სანატორიუმებისა, პანსიონატებისა, საკურორტო საავადმყოფოებისა, საბალნეოლო-გოო დაწესებულებებისა, ფიზიო-თერაპევტიული ინსტიტუტისა და იმ მეტეოროლოგიური სადგურების მოქმედებას, რომლებიც გეოფიზიკურ ობსერვატორიას არ ექვემდებარებიან;

ზ) აღნუსხოს და ზედამხედველობა გაუწიოს კურორტების რაიონში არსებულ უწყებათა სანატორიუმებსა და დასვენების სახლებს;

თ) შეადგინოს წლიური საექიმო ანგარიში;

ი) დაამყაროს მთავარ საკურორტო სამმართველოს ტექნიკურ განყოფილებასთან და სათანადო ორგანოებთან შეთანხმებით კურორტების სამთო-სასანიტარო დაცვის ოლქის საზღვრები; დააწესოს კურორტების სამკურნალო ფაქტორების რეჟიმის სამთო-სანიტარული დაცვა; მოაწიოს ცენტრალური და ადგილობრივი სამთო-სანიტარული დაცვის კომისიები და გაუწიოს მათ მოქმედებას ხელმძღვანელობა;

კ) გაუწიოს ზედამხედველობა სანატორიუმებისა, სამკურნალო დაწესებულებისა, ბინებისა და კვების პროდუქტების სანიტარული დაცვის საქმეს, შეიმუშაოს და განახორციელოს სათანადო კანონპროექტები და საავალდებულო დანდგენილებები;

ლ) შეიმუშაოს სატექნიკო განყოფილებასთან შეთანხმებით სანიტარულ-ტექნიკური ღონისძიებანი კურორტების გაჯანსაღებისათვის და აგრეთვე საერთო კეთილმოწყობის საკითხები.

მუხ. 14—სატექნიკო განყოფილების მიზანს შეადგენს:

ა) აღნუსხოს ყველა არსებული საკურორტო ნაგებობა და დანაღვამი;

ბ) აღადგინოს კურორტები, შეაკეთოს შენობები, ააგოს ახალი შენობები, შეადგინოს სათანადო პროექტები და ხარჯთ-აღრიცხვები;

გ) შეადგინოს განყოფილების ყველა სამუშაოს ტექნიკური ანგარიშგება და აღსრულებითი ხარჯთ-აღრიცხვა;

დ) გაუწიოს საერთო ხელმძღვანელობა მთავარ საკურორტო სამმართველოს გამკვლავლებაში მყოფ ყველა მეურნეობას და საწარმოს, აღნუსხოს ეს მეურნეობანი და საწარმონი და განახორციელოს მათთვის საჭირო ყველა ტექნიკური სამუშაო და აგრეთვე ის სამუშაო, რაც კურორტების კეთილმოწყობის საქმეს ეხება.

მუხ. 15—საადგილ-მამულო-სატყეო განყოფილებას დაეკისრება იზრუნოს ყველა იმ ტყისა და სასოფლო-სამეურნეო ნაკვეთებისათვის, რაც გადაეცემა მთავარი საკურორტო სამმართველოს კურორტებზე ჰავისა, ნიადაგისა, მიწერწყლებისა და სხვა ბუნებრივ სიმიდრეთა დაცვის მიზნით და რაც შედის საერთო-სახელმწიფოებრივი მნიშვნელობის კურორტების სამთო-სასანიტარო დაცვის ფარგლებში; აგრეთვე იზრუნოს ყველა იმ სანახებისა, შენობისა, ნაგებობისა და მეურნეობისათვის, რაც აღნიშნულ ნაკვეთებს ეკუთვნის. დაკისრებული მიზნის განსახორციელებლად განყოფილება განაგებს:

ა) საკურორტო ტყის ნაკვეთებისა და სანახების სივრცის გეგმაზე გადაღებისა, გამოჯენისა და გვემის შედგენის საქმეს;

ბ) ტყის მოვლის მიზნით მასში მურნობისა და მასთან დაკავშირებული ყოველგვარი სამუშაოს გეგმის შედგენისა და განხორციელების საქმეს; პარკებისა, ბაღებისა, ბოსტნებისა და ფერმების მოწყობა-მოვლის საქმეს;

გ) სამთო-სანიტარული დაცვის ოლქში სიძოვრებისა, სათიბებისა, სახნავეებისა, ვენახებისა და სხვა სანახების მოვლა-გამოყენების საქმეს.

მუხ. 16 - სამეურნეო-საფინანსო ნაწილი განაგებს მთავარ საკურორტო სამმართველოს სამეურნეო, საფინანსო და საექსპლოატაციო მუშაობას, როგორც სახელმწიფო დაწესებულებისა და ერთიან სამეურნეო ორგანოსას ყველა მისი ხელისშემწყობი საკურორტო სავაჭრო-სამრეწველო და კომუნალური საწარმოთი, აგრეთვე განაგებს სანატორიუმებისა, პანსიონატებისა, კურორტებისა, სასტუმროებისა და საბინაო ფონდის გეგმიან ექსპლოატაციას. თავის სამუშაოს სამეურნეო-საფინანსო ნაწილი განახორციელებს შემდეგი სამი განყოფილების მეშვეობით:

ა) საწარმოო,

ბ) სამეურნეო-საექსპლოატაციო და

გ) საფინანსო-საანგარიშო განყოფილებებისა.

მუხ. 17 — საწარმოო განყოფილების მოვალეობას შეადგენს:

ა) გაუწიოს საერთო ხელმძღვანელობა მთავარ საკურორტო სამმართველოს გამგებლობაში მყოფ ყველა საწარმოს;

ბ) შეიმუშაოს წლიური და საკვარტალო საწარმოო გეგმები და, დამტკიცების შემდეგ, განახორციელოს ეს გეგმები; შეადგინოს წლიური საწარმოო მუშაობის ანგარიში;

გ) განაგებს იმ მინერალური წყლების საექსპორტო მიზნით ჩამოსხმის საქმეს, რაც ექსპლოატაციაშია;

დ) მოაწყოს და განაგოს მინერალური წყლების ჩამოსხმელი საწარმონი;

ე) განაგოს ყველა ხელისშემწყობი საწარმო, როგორც არის: ვახისა, შუშისა-ხე-ტყისა, ბოთლების საცობისა და ბურბუშელის ქარხნები, აგრეთვე შეფუთვის განყოფილება, ექსპედიცია და სხვ.;

ვ) შეადგინოს პროექტები და გეგმები აბალი მინერალური წყლების გამოყენებისათვის.

მუხ. 18 — სამეურნეო-საექსპლოატაციო განყოფილების მიზანს შეადგენს: ხელი შეუწყოს საერთო-სახელმწიფოებრივ მნიშვნელობის კურორტების ჯეროვანად გამოყენებას სამკურნალო მიზნით. ამ მიზნის განსახორციელებლად განყოფილება:

ა) განაგებს კურორტებისათვის, მათ დაწესებულებათათვის, მურნობათათვის და წარმოებათათვის თვითღირებულებისა და გასაცემი ფასების განსაზღვრის საქმეს; მათთვის ნედლეულობისა და ყოველივე მასალის მომარაგებისა და მათი პროდუქტის გამოყენება-გასაღების საქმეს;

ბ) შეიმუშავებს და განახორციელებს სანატორიუმებისა, პანსიონატებისა, სასტუმროებისა და თავისუფალი საბინაო ფონდის მიზანშეწონილად გამოყენების საექსპლოატაციო გეგმას;

გ) საერთო ხელმძღვანელობას და მეთვალყურეობას გაუწევს სახელმწიფოებრივი კურორტების სამეურნეო ნაწილის მოქმედებას; განიხილავს ადგილობრივი ორგანიზების მიერ წარმოადგენილ საწარმოო გეგმებს და შეადგენს კურორტების საერთო-საეკსპლოატაციო გეგმას;

დ) მოაწყოებს კურორტებზე ავადმყოფთა მიყვანისა და უკან წაყვანის საქმეს;

ე) დაამზადებს სურსათ-სანოვავებს და გაანაწილებს ცალკე კურორტებსა და სანატორიუმებს შორის;

ვ) მიაწვდის სანატორიუმებს, განმანაწილებელ პუნქტებს და სხვა დაწესებულებებს საჭირო ინვენტარს;

ზ) შეიძენს საერთოდ კურორტებისათვის საჭირო ყოველგვარ საგანს და გაუღზავნის კურორტებს დანიშნულებისამებრ;

თ) განაგებს მთავარ საკურორტო სამმართველოს, როგორც დაწესებულების, ყველა სამეურნეო საკითხს (ინვენტარის აღნუსხვა, შენახვა და შეცვლა, მთავარ საკურორტო სამმართველოს სადგომის სათანადოდ შენახვისათვის თვალყურის დევნება); საკანცელარიო საგნების შეძენა; მთავარ საკურორტო სამმართველოს სატრანსპორტო საშეაღებათა მოწყობა და სხვ.

მუხ. 19—საფინანსო-საანგარიშო განყოფილება:

ა) შეადგენს მთავარ საკურორტო სამმართველოს ხარჯთ-აღრიცხვას, საბიუჯეტო გეგმას და წლიურ საბარჯთაღრიცხვო ანგარიშებს;

ბ) თვალყურს ადევნებს, რათა მთავარ საკურორტო სამმართველოს ყველა დაწესებულებამ და საწარმომ ზედმიწევნით შეასრულოს დამტკიცებული ბიუჯეტი;

გ) მიიღებს, შეინახავს და დაბარჯავს ფულს საბარჯთაღრიცხვო დანიშნულებისამებრ;

დ) შემოწმებს საერთო-სახელმწიფოებრივი მნიშვნელობის კურორტების მიერ წარდგენილ ხარჯთ-აღრიცხვებს და განაგებს მათთვის ფულადი სახსარის აღნუსხვისა და განაწილების საქმეს;

ე) განაგებს საერთო ანგარიშებისა და ანგარიშწარმოების საქმეს;

ვ) განაგებს საერთოდ მთავარ საკურორტო სამმართველოს და მის ქვემდებარე დაწესებულებათა, საწარმოთა და მეურნეობათა ყოველგვარ საფინანსო-საანგარიშო საკითხს.

მუხ. 20—სამკურნალო-სასანიტარო განყოფილების სათავეში სდგას მთავარ საკურორტო სამმართველოს უფროსის თანაშემწე—სამკურნალო-სასანიტარო და ბუნებრივ სიმიდრეთა დაკვის ნაწილის გამგე; საფინანსო განყოფილებას უშუალოდ განაგებს მთავარ საკურორტო სამმართველოს უფროსის თანაშემწე—სამეურნეო-საფინანსო ნაწილის გამგე, ხოლო დანარჩენ განყოფილებებს მეთაურობენ განყოფილებათა გამგენი, რომელნიც მოქმედებენ ამა დებულების თანახმად და სათანადო ნაწილის გამგის საერთო ხელმძღვანელობით.

მუხ. 21—ნაწილებისა და განყოფილებების გამგენი მოვალენი არიან მიიღონ ყველა ღონისძიება მათთვის დაკისრებული ფუნქციების განსახორციელებლად, გამოიჩინონ საჭირო მზრუნველობა და წინდახედულება და პასუხს აგებენ დისციპლინარული, სისხლის სამართლისა და სამოქალაქო სამართლის წესით,

როგორც მინდობილი ქონების დაცვისათვის, ისე საქმის მომჭირნეობით გაძლოსათვის, მომჭმედ კანონთა თანახმად.

მუხ. 22—მთავარ საკურორტო სამმართველოს ჰყავს კონტროლიორები, ინსტრუქტორები და იურისკონსულტი; მათ რიცხეს, საქაროებისდა მიხედვით განსაზღვრავს მთავარ საკურორტო სამმართველოს უფროსი, რომელსაც ისინი უშუალოდ ექვემდებარებიან.

მუხ. 23—მთავარ საკურორტო სამმართველოსთან არსებობს სამეცნიერო საკურორტო საბჭო, სათანადო სექციებით (სამკურნალო-სასანიტარო, სატყეო და სხვ.), რომელიც პერიოდულად იკრიბება და მეცნიერულად ამუშავებს მთავარ საკურორტო სამმართველოს მიერ მისთვის განსახილველად გადაცემულ საკურორტო საქმის საკითხებს.

მუხ. 24—სხვადასხვა უწყების მიერ კურორტებზე წარმოებული მუშაობის შესათანხმებლად და მათ საქმიანობაში პარალელისმიერ თაიდან ასაცილებლად მთავარ საკურორტო სამმართველოსთან არსდება საუწყებათაშორისო თათბირი, რომლის შედგენილობას და მოქმედების ფარგლებს განსაზღვრავს ჯანმრთელობის სახალხო კომისარია.

2) იმავე დებულების მე-III თავის სახელწოდება შეიცვალოს შემდეგნაირად: „სახელმწიფოებრივი კურორტების ადგილობრივი სამმართველოები“, ხოლო 18-22 მუხლები გადაკეთდეს 25—29 მუხლებათ.

26 და 28 მუხლებში ახალი რედაქციით (ძველი რედაქციით 19 და 21 მუხ.) სიტყვები: „ადგილობრივ კურორტთა“ შეიცვალოს სიტყვებით „სახელმწიფოებრივი კურორტების“.

26 მუხლში (ძველი რედაქციით მე-19 მუხ.) ლიტ. „ა“ ამოშლილ იქნეს შემდეგი სიტყვები: „და წარმოებათა გარდა ბორჯომის კომბინატისა“.

3) მთავარ საკურორტო სამმართველოს დებულებას დაემატოს მე-IV თავი: „ადგილობრივი მნიშვნელობის კურორტები“-ს შესახებ შემდეგი შინაარსისა:

მუხ. 30—ადგილობრივი მნიშვნელობის კურორტები, რჩებიან რა მთავარ საკურორტო სამმართველოს საერთო მეთვალყურეობისა და ხელმძღვანელობის ქვეშ,—გადაეციებიან გააგებლობისათვის საბაზრო აღმასრულებელი კომიტეტების ჯანმრთელობის განყოფილებებს.

მთავარ საკურორტო სამმართველოს დაეკისრება აგრეთვე მეთვალყურეობა იქონიოს, რათა ადგილობრივი მნიშვნელობის კურორტების ექსპლუატაციით შემოსული თანხები ინარჯებოდეს იმავე კურორტების კეთილმოწყობის საქმეზე.

II.

„დებულება ბორჯომის მინერალური წყლის სამმართველოს შესახებ“, რაც დამტკიცებულია საქართველოს სსრ სახალხო კომისარიათა საბჭოს 1926 წლ. აგვისტოს 18-ს დადგენილებით (საქართველოს სსრ კან. კრ. 1926 წ. მე-4 №-ით, მუხ. 105) გაუქმებულ იქნეს.

სრულიად საქართველოს ცენტრალური

აღმასრულებ. კომიტ. თავმჯდომარის მაც. ვ. ხატურა.

საქართველოს სსრ სახალხო კომისარიათა

საბჭოს თავმჯდომარის მოადგ. ივანოვ-კავკასიელი.

სრულიად საქართველოს ცენტრალური

აღმასრულებელი კომიტეტის მდივანი ი. ვარძიელი.

1928 წ. ივლისის 5.

ტფილისი—სასახლე.

115. დადგენილება № 54 ც. ა. კ. და ს. კ. ს.

შრომის გმირთა შესახებ.

სრულიად საქართველოს საბჭოთა ცენტრალური აღმასრულებელი კომიტეტი და საქართველოს სსრ სახალხო კომისართა საბჭო ადგენენ:

1. შრომის გმირის წოდება შეიძლება მიენიჭოს იმ პირს, რომელსაც წარმოებისა, სამეცნიერო მოღვაწეობისა, სახელმწიფო ან საზოგადოებრივ სამსახურის სფეროში განსაკუთრებული დამსახურებანი მიუძღვის და რომელსაც დაქირავებით უმუშავებია არა ნაკლებ 35 წლისა.

შენიშვნა 1. ეს დადგენილება ვრცელდება აგრეთვე მუშათა და გლეხთა წითელი არმიის სამხედრო მოსამსახურეებზედაც.

შენიშვნა 2. დაქირავებით მუშაობის სტაჟის გამომანგარიშების დროს მუშათა და გლეხთა წითელ არმიაში გატარებული დრო არ გამოირიცხება.

2. შრომის გმირის წოდების მინიჭება მოხდება სრულიად საქართველოს საბჭოთა ცენტრალური აღმასრულებელი კომიტეტის პრეზიდიუმის დადგენილებით საქართველოს პროუკავშირთა საბჭოს წარდგენისამებრ. შუამდგომლობა შრომის გმირის წოდების მინიჭების შესახებ აღიძვრის საქართველოს პროფესიონალურ კავშირთა საბჭოს წინაშე სახელმწიფო და საზოგადოებრივ ორგანიზაციების ინიციატივით.

შენიშვნა 1. სამხედრო მსახურთათვის შრომის გმირის წოდების მინიჭება მოხდება სსრ კავშირის ცენტრალური აღმასრულებელი კომიტეტის პრეზიდიუმის დადგენილებით საქართველოს სამხედრო ტერიტორიალური სამმართველოს წარდგენით, რაც უნდა წარიმართოს სსრ კავშირის სამხედრო და საზღვაო საქმეთა სახალხო კომისარიატის მეშვეობით.

შენიშვნა 2. შრომის გმირს შეიძლება ჩაჰოგრეთვას ეს წოდება მხოლოდ იმ ორგანოს დადგენილებით, რომელმაც მას შრომის გმირის წოდება მიანიჭა.

3. შრომის გმირის წოდების მინიჭების შესახებ აღძრულ შუამდგომლობას საფუძვლად უნდა დაედვას:

ა) სახალხო მუორნეობის ინტერესებისა და სახელმწიფო მმართველობისათვის განსაკუთრებით სასარგებლო მოღვაწეობის ფაქტი, როგორცაა: სახალხო ქონების (უაბრიკა-ქარხნებისა, საწყობებისა, განსაკუთრებული ღირებულების ქონების და სხვ.) დალუპვისა ან გატაცებისაგან გადარჩენა და შენახვა, თავის მავალითით მასებში შრომის სურვილის აღძვრა, საერთო-სასარგებლო ნაგებობათა აშენების საქმეში თაოსნობის გამოჩენა, მეტად სასწრაფო და მნიშვნელოვან სამუშაოს შესრულება და სხვა;

ბ) მრავალ წელთა განმავლობაში, განუწყვეტლივ, დაკისრებული საქმის ისეთი ენერგიით, დისციპლინით, სისწორითა და სისწრაფით შესრულება, რაც თვალსაჩინოდ აღემატება ჩვეულებრივ დონეს და სამავალითო იქნება სხვა მომუშავეთათვის და სხვ.;

გ) მნიშვნელოვანი მიღწევანი ტექნიკურსა, ეკონომიკურსა და ადმინისტრაციულ დარგებში, ტექნიკური გაუმჯობესება, გამოგონება, საწარმოო პროცესების რაციონალიზაციის განხორციელება და სხვა;

დ) განსაკუთრებული მნიშვნელობის ბეჭდვითი და ლაბორატორული ნაშრომები, გამოგონება და სხვ. მეცნიერებისა, ლიტერატურის ან ხელოვნების დარგში;

ე) სახელმწიფო, პროფესიონალური, კოოპერატიული და საზოგადოებრივი ორგანიზაციებისათვის დიდი სამსახურის გაწევა მუშების ან გლეხებისათვის ფარო დახმარების აღმოჩენის საქმეში (ექიმები, მასწავლებლები, აგრონომები, ინჟინერები, კოოპერატორები, ტექნიკოსები, ფერშელები და სხვ.).

4) შუამდგომლობა შრომის გვირის წოდების მინიჭების შესახებ შეიძლება აღიძრას მხოლოდ ისეთი მუშაკის მიმართ, რომელიც შეესაბამება ამა დადგენილების მე-3 მუხლის მოთხოვნებს და რომელსაც დაქირავებით უმუშავებია არა ნაკლებ 35 წლისა.

შენიშვნა. შუამდგომლობის აღტერა შრომის გვირის წოდების მინიჭების შესახებ ისეთი პირისათვის, რომელსაც არა აქვს ამა მუხლში აღნიშნული შრომის სტაჟი, შეიძლება მხოლოდ განსაკუთრებულ შემთხვევაში; ამასთანავე აუცილებლად საჭიროა, რომ ამ პირს მეტად მნიშვნელოვანი დამსახურება მიუძღოდეს შრომის ფრონტზე.

5. შრომის გვირს, რომელსაც დაქირავებით უმუშავებია არა ნაკლებ 35 წლისა, სოციალური დახვედვის ორგანოთა მიერ მიეცემა პენსიად სრული სამუშაო ხელფასის სამი მეოთხედი, შრომის უნარისა და ქონებრივი მდგომარეობის მიუხედავად. უკეთუ შრომის გვირა განაგრძობს დაქირავებით მუშაობას, მას ეძლევა აღნიშნული პენსიის ნახევარი.

შრომის გვირს, რომელსაც 35 წლამდე ნაკლები უმუშავებია დაქირავებით, პენსია აღნიშნული რაოდენობით, ქონებრივი მდგომარეობის მიუხედავად, მიეცემა იმ შემთხვევაში, უკეთუ იგი ინვალიდთა პირველ სამ ჯგუფ შორის ერთერთ ჯგუფშია ჩარიცხული.

შენიშვნა 1. შრომის გვირის პენსიის გამოანგარიშების დროს საფუძვლად მიიღება მისი სრული საშუალო თვიური ხელფასი იმ სამი საკანდენდრო თვისა, რაც წინ უძღოდა მისთვის შრომის გვირის წოდების მინიჭებას, ან დაქირავებით მუშაობის სამი უკანასკნელი თვისა, უკეთუ შრომის გვირის წოდების მინიჭების დროს ეს პირი დაქირავებით აღარ მუშაობს.

შენიშვნა 2. უკეთუ შრომის გვირი სამხედრო მსახურთა იმ კატეგორიას ეკუთვნის, რომელზედაც ვრცელდება 1926 წ. მარტის 19-ის დებულება „მუშათა და გლეხთა წითელ არმიის საკადრო უფროსთა შედგენილობის სახელმწიფოს ხარჯზე უზრუნველყოფის შესახებ“ (სსრ კავშირის კან. კრებ. 1926 წ. მე-20 №-რი, მუხ. 131). მას აქვს პენსიაზე ისეთივე უფლება, რაც მინიჭებული აქვს 30 და უფრო მეტ წელს ნამსახურე პირს (დებულების მე-11 მუხლის მესამე ნაწილი), იმისდა მიუხედავად, თუ რამ-

დენი ხანი მსახურებდა აღნიშნული შრომის გმირი მუშათა და გლეხთა წითელ არმიასი.

6. უკეთუ შრომის გმირი გარდაიცვალა ან უგზო-უგვლოდ დაიკარგა, მის კმაყოფაზე მყოფ ოჯახის წევრებს, რომელნიც ჩამოთვლილ არიან „შრომის ინვალიდების და გარდაცვალებულ ან უგზო-უგვლოდ დაიკარგულ დაზღვეულ შრომის ინვალიდების ოჯახის წევრთა სოციალური დაზღვევის წესით უზრუნველყოფის შესახებ“—1925 წ. აგვისტოს 28-ს თარიღით გამოცემული (სსრკ კან. კრებ. 1925 წ. 57 №-რი, მუხ. 429) დებულების მე-4 მუხლში, მიეცემათ პენსიად: უკეთუ უზრუნველსაყოფია სამი ან მეტი პირი,—შრომის გმირის სრული პენსიის ორი მესამედი; უკეთუ ორი—პენსიის ნახევარი და უკეთუ ერთი—პენსიის ერთი მესამედი.

ასეთივე რაოდენობის პენსია მიეცემათ აგრეთვე იმ გარდაცვალებულ ან უგზოუგვლოდ დაიკარგულ შრომის გმირების ოჯახის წევრებს, რომელთაც ეძლეოდათ ნახევარი პენსია ან და იგი სრულიად არ ეძლეოდათ.

7. შრომის გმირს სახელმწიფო საშემოსავლო გადასახადი არ დაედება, უკეთუ მისი შემოსავალი არ აღემატება 6.000 მან. წელიწადში. ხოლო, უკეთუ შემოსავალი ამ თანხას აღემატება, დასაბეგრად შემოსავლიდან უნდა გამოირიცხოს 6.000 მან.

პენსია, რომელსაც შრომის გმირი იღებს, არ დაიბეგრება ერთიანი სასოფლო-სამეურნეო გადასახადით. ერთიანი სასოფლო-სამეურნეო გადასახადის თანხა, გაწერილი ისედა მუდურნობაზე, რომელშიაც შრომის გმირი შედის, შემცირებულ უნდა იქნეს 20 %-ით.

8. უკეთუ შრომის გმირი დაქირავებით არ მუშაობს და მას, პენსიის გარდა, სხვა არავითარი შემოსავალი არა აქვს, იგი ბინის ქირას გადაიხდის მუშა-მოსამსახურეთა თანაბარი განაკვეთით; ამასთან ამ ქირის გამოანგარიშების დროს ვარაუდში მიიღება შრომის გმირის პენსიის 75 %.

შენიშვნა. უკეთუ შრომის გმირი განაგრძობს დაქირავებით მუშაობას, იგი ბინის ქირას იხდის თავისი ხელფასის მიხედვით; ამასთანავე მისი პენსია ანგარიშში არ მიიღება.

9. უკეთუ შრომის გმირისა და მის კმაყოფაზე მყოფი ოჯახის წევრების მიერ დაქირავი საცხოვრებელი სივრცე იმ ნორმას აღემატება, რაც „საცხოვრებელი სადგომების“ შესახებ მომკმედი კანონითაა დაწესებული. შრომის გმირი ამ ზედმეტ სივრცეში, იმისდა მიუხედავად, დიდიან ეს სივრცე თუ პატარა, ქირას მხოლოდ ერთმეგი რაოდენობით იხდის.

10. შრომის გმირის გამოსახლება სახლიდან აღმინისტრაციული წესით, განაგრძობს იგი დაქირავებით მუშაობას თუ არა, შეიძლება კანონით განსაზღვრულ შემთხვევაში და ისიც მხოლოდ იმ პირობით, უკეთუ მას მიეცემა საცხოვრებლად გამოსადეგი თავისუფალი სივრცე და სატრანსპორტო საშუალება ახალ ბინაზე გადასასვლელად.

11. შრომის გმირს და მისი ოჯახის წევრებს:

ა) შეუმცირდებათ კომუნალური მომსახურებისათვის დაწესებული სასაიდლო, სახელდობრ: წყლისა და განათების სასაიდლო შეუმცირდებათ 25 %-ით იმ ნორმასთან შედარებით, რაც დაწესებულია მუშა მოსამსახურეთათვის.

ბ) ეძლევათ ყველა სახის საექიმო და საეურორტო დახმარება დაზღვეულთა და მათ ოჯახის წევრთა თანაბარ პირობებში.

12. შრომის გმირის შვილები და ყველა ის პირი, რომელიც მის კმაყოფაზე იწყობება, სასწავლებლებში მიღების დროს მიეთანხმებიან ფიზიკური შრომის პირთა შვილებს და განთავისუფლებიან სწავლა-აღზრდისათვის გადასახდელი სასყიდლისაგან.

13. შრომის გმირის შენობას, სატრანსპორტო საშუალებას (ცხენი, ველოსიპედი და სხვ.) და ოთხეუბ საჭონელს ადგილობრივი გადასახადი არ დაედება, უკეთეს ამ შენობას, სატრანსპორტო საშუალებას და საჭონელს მოიხმარებენ მარტოდენ შრომის გმირი და მისი ოჯახის წევრები, ხოლო არ გამოიყენებენ საექსპლუატაციოდ გაქირავებით ან სხვაგვარად.

14. შრომის გმირს და მის კმაყოფაზე მყოფ პირთ უფლება აქვთ სოციალური უზრუნველყოფის დაწესებულებებში (ინვალიდთა სახლები და სხვ.) რიგს გარეშე იყენონ მიღებული.

15. ამა დადგენილებით გათვალისწინებული შედეგათები და უპირატესობანი გაერკვლდება იმ პირზედაც, რომელიც ცნობილია შრომის გმირად ამა დადგენილების გამოცემამდე, ხოლო, უკეთეს მას დაემტკიცება შრომის გმირის წოდება, ამა დადგენილების მე-2 მუხ. პირველი ნაწილის წესით.

სრულიად საქართველოს საბჭოთა ცენტრალური
აღმასრულებელი კომიტეტის თავმჯდომარის მაგ. ვ. ხტურუა.

საქართველოს სოც. საბჭ. რესპუბლიკის
სახ. კომისართა საბჭოს თავმჯდ. მოადგ. ვ. ივანოვ-კავკასიელი.

სრულიად საქართველოს საბჭოთა ცენტრალური
აღმასრულებელი კომიტეტის მდივანი ი. ვარძიელი.

1928 წ. ივლისის 11.

ტფილისი—სასახლე.

გამოქვეყნებულია გახ. „კომუნისტი“-ს 217 №-ში 1928 წ. სექტემბრის 18.

116. დადგენილება № 59 ც. ა. ძ. და ს. ძ. ს.

სათამასუქო დებულების მე-15, 16 და 17 მუხ. შეცვლისა და შევსების
შესახებ.

სათამასუქო დებულების (1924 წ. № 6 კან. კრებ., მუხ. 28) შესაცვლელად და შესავსებლად სრულიად საქართველოს ცენტრალური აღმასრულებელი კომიტეტი და საქართველოს სოც. საბჭ. რესპუბლიკის სახალხო კომისართა საბჭო აღდგენენ:

1. აღნიშნული დებულების მე-15 მუხლს დაემატოს მეორე აბზაცი შემდეგი შინაარსისა:

„15. უკეთეს სათანადო ორგანოში საპროტესტოდ წარდგენილი თამასუქი განაღდებულ იქნა პროტესტამდე, თამასუქის პატრონს უფლება აქვს მოითხოვოს, სათანასუქო თანხისა და პროცენტების გარდა, აგრეთვე თამასუქის საპროტესტოდ წარდგენასთან დაკავშირებით სანოტარო, ადგილობრივი და სხვა გამოსაღების ანაზღაურება“.

2. იმავე დებულების მე-16 მუხლი მიღებულ იქნეს შემდეგი რედაქციით:

„16. შეპირებული თამასუქი (ტრაქტა) ეწოდება თამასუქის გამცემის (ტრასანტის) წერილობით წინადადებას გადამხდელისადმი (ტრასანტი)—გადაუხადოს ფული თამასუქის პატრონს; ამასთანავე, უკეთეს ტრასანტმა უარი სთქვა ამ წინადადების ასრულებაზე, ტრასანტი მოვალეა თვით გადაუხადოს ეს ფული თამასუქის პატრონს“.

3. იმავე დებულების მე-17 მუხლის მე-5 პუნქტი მიღებულ იქნეს შემდეგი რედაქციით:

„პუნ. 5. ის პირი, ვისაც ფული უნდა გადაეხადოს (თამასუქის პირველი შემძენი)“.

4. იმავე (17) მუხლს დაემატოს შენიშვნა შემდეგი შინაარსისა:

„**შენიშვნა.** თამასუქის გამცემს თამასუქის პირველ შემძენად შეუძლიან დანიშნოს თავისი თავი; მას შეუძლიან აგრეთვე თავისი თავი გადამხდელადაც დანიშნოს“.

სრულიად საქართველოს საბჭოთა ცენტრალური
აღმასრულებელი კომიტეტის თავმჯდომარის მაგ. ვ. ხტურუა.

საქართველოს სოც. საბჭ. რესპუბლიკის
სახ. კომისართა საბჭ. თავმჯდომარე ლ. ქართველიშვილი.

სრულიად საქართველოს საბჭოთა ცენტრალური
აღმასრულებელი კომიტეტის მდივანი ი. ვარძიელი.

1928 წ. ივლისის 18.

ტფილისი—სასაზღვაო.

გამოქვეყნებულია გაზ. „კომუნისტის“ 212 №-ში 1928 წ. სექტემბრის 12.

117. დადგენილება № 60. ც. ა. ქ. და ს. ქ. ს.

საქართველოს სსრ სამოქალაქო სამართლის საპროცესო კოდექსის 254—254 მუხ. შეცვლისა და ამავე კოდექსისათვის 254¹ და 254² მუხ. დამატების შე-
სახებ.

სრულიად საქართველოს საბჭოთა მე-11 მოწვევის ცენტრალური აღმასრულებელი კომიტეტის მე-2 სესიის 1924 წლის მარტის 10-ის თარიღისა და 77 №-ის დადგენილების მე-2 მუხლის წესისამებრ სრულიად საქართველოს ცენტრალური აღმასრულებელი კომიტეტი და საქართველოს სსრ სახალხო კომისართა საბჭო ადგენენ:

I.

საქართველოს სსრ სამოქალაქო სამართლის საპროცესო კოდექსის 250, 251, 252, 253 და 254 მუხ. მიღებულ იქნეს შემდეგი რედაქციით:

თ ბ ვ ი X X I X

სასამართლოს გადაწყვეტილების გადასინჯვა.

კ ა რ 1.

სასამართლოს გადაწყვეტილების გადასინჯვა ახლად აღმოჩენილ გარემოებათა გამო.

მუხ. 250. საკითხს ახლად აღმოჩენილ გარემოებათა გამო სასამართლოს ისეთი გადაწყვეტილების გადასინჯვის შესახებ, რომელზედაც შეტანილი საკავსაციო საჩივარი უშედეგოდ იქნა დატოვებული ან რომელსაც საკავსაციო ვადა გაუქმდა, გადასწევტს უზენაესი სასამართლო.

მუხ. 251. გადაწყვეტილების გადასინჯვა შეიძლება მხოლოდ შემდეგ შემთხვევებში:

ა) როდესაც აღმოჩნდება ახალი გარემოება, რასაც საქმისათვის არსებითი მნიშვნელობა აქვს და რაც განმცხადებელმა არ იცოდა;

ბ) როდესაც სასამართლოს განაჩენით დადასტურებულ იქნება გადაწყვეტილ საქმეში მოწმის ტყუილი ჩვენება, მხარისა, მის წარმომადგენლის ან ექსპერტის დანაშაულებრივი ქმედობა ან სასამართლოს იმ წევრების დანაშაულებრივი ქმედობა; რომელთაც საქმეში მონაწილეობა მიუღიათ;

გ) როდესაც გადაწყვეტილება დამყარებულ იქნება ისეთ დოკუმენტზე, რაც შემდეგში, სასამართლოს მიერ სისხლის სამართლის საქმეზე გამოტანილი განაჩენით, ყალბ დოკუმენტად იქნა ცნობილი, ან როდესაც გაუქმებულ იქნება სასამართლოს ან სხვა დაწესებულების ის დადგენილება, რაც გადაწყვეტილებას საფუძვლად დაედო.

მუხ. 252. სასამართლოს გადაწყვეტილების გადასინჯვის საკითხი, ახლად აღმოჩენილ გარემოებათა გამო, შეიძლება აღიძრას უზენაეს სასამართლოს სამოქალაქო საკავსაციო კოლეგიის წინაშე, როგორც პროცესში მონაწილე მხარის განცხადებით, ისე რესპუბლიკის პროკურორისა, უზენაეს სასამართლოსთან განწესებული მისი თანაშემწის, ან სათანადო სამაზრო პროკურორის თაოსნობით.

მუხ. 253. საკითხი სასამართლოს გადაწყვეტილების გადასინჯვის შესახებ (252 მუხ.) შეიძლება აღიძრას არა უგვიანეს ერთი თვისა იმ გარემოების აღმოჩენის დღიდან, რაც აღნიშნულია ამა კოდექსის 251 მუხ. „ა“ პუნქტში ან დღიდან იმ გარემოების დადასტურებისა, რაც გათვალისწინებულია ამავე 251 მუხ. „ბ“ და „გ“ პუნქტში.

კ ა რ 2.

სასამართლოს გადაწყვეტილების გადასინჯვა შედამხედველობის წესით.

მუხ. 254. რესპუბლიკის პროკურორისა და უზენაეს სასამართლოსთან განწესებულ მის თანაშემწეს შეუძლიანთ გამოითხოვონ რესპუბლიკის ყოველ სასა-



მართლოდან, ზედამხედველობის წესით გადასათვალისწინებლად, ყოველ საჭირო შემთხვევაში გადაწყვეტილება კანონიერ ძალაშია შესული და აგრეთვე შეაჩერონ ამ საქმეზე გამოტანილი გადაწყვეტილების აღსრულება გადასინჯვის დამთავრებამდე.

შენიშვნა. გამოთხოვნა ისეთი საქმისა, რომელზედაც გადაწყვეტილება კანონიერ ძალაშია შესული, შეუძლიან აგრეთვე სამაზრო პროკურორსაც.

II.

სამოქალაქო სამართლის საპროცესო კოდექსს დემატოს 254¹ და 254² მუხ. შემდეგი შინაარსისა:

მუხ. 254¹. უკეთუ გამოთხოვნილ საქმეზე გამოტანილ გადაწყვეტილებაში აღმოჩენილ იქნება მომქმედი კანონების რაიმე განსაკუთრებულად არსებითი დარღვევა, ან მუშათა და გლეხთა სახელმწიფოს, ან და მშრომელთა მასის ინტერესების აშკარა, კანონის პირდაპირი მოთხოვნის საწინააღმდეგო, დარღვევა, რესპუბლიკის პროკურორს ან უზენაეს სასამართლოსთან განწესებულ მის თანაშემწეს უფლება აქვთ ზედამხედველობის წესით პროტესტი განაცხადონ: სახალხო ან სამაზრო სასამართლოს გადაწყვეტილებაზე—უზენაეს სასამართლოს საკასაციო კოლეგიაში, ხოლო უზენაეს სასამართლოს სასამართლო ან საკასაციო სამოქალაქო კოლეგიის გადაწყვეტილებაზე—უზენაეს სასამართლოს პლენუმში.

მუხ. 254². ზედამხედველობის, წესით საქმის აღძვრა შეიძლება მხოლოდ იქნეს თვის ვადაზე იმ დღიდან, რაც გადაწყვეტილება კანონიერ ძალაში შევა.

სრულიად საქართველოს საბჭოთა ცენტრალური

აღმასრულებელი კომიტეტის თავმჯდომარის მაგ. ვ. სტურუა.

საქართველოს სსრ სახალხო კომისართა

საბჭოს თავმჯდომარე ლ. ქართველიშვილი.

სრულიად საქართველოს საბჭოთა ცენტრალური

აღმასრულებელი კომიტეტის მდივანი ი. ვარძიელი.

1928 წ. ივლისის 18.

ტფილისი—სასაღღ.

სახალხო კომისართა საბჭოს დადგენილება.

118. დადგენილება ს. კ. ს.

მიზნობრივი საბინაო გადასახადის შემოსავლის 20%-ის რესპუბლიკანურ ფონდში მაღარიცხვის თაობაზე 1927 წლის ოქტომბრის 5-ის თარიღით გამოცემული დადგენილების გაუქმების შესახებ.

საქართველოს სსრ სახალხო კომისართა საბჭო ადგენს:

საქართველოს სსრ სახალხო კომისართა საბჭოს 1927 წლის ოქტომბრის 5-ის დადგენილება—მიზნობრივი საბინაო გადასახადის 20%-ის საბინაო მშენებ-



ლობის რესპუბლიკანურ ფონდში გადარიცხვის შესახებ (გაზ. „კომუნ.“ 1927 წ. ოქტ. 6-ს) გაუქმებულ იქნეს.

საქართველოს სოც. საბჭ. რესპუბლიკის სახალხო
კომისართა საბჭოს თავმჯდომარის მოადგ. გ. მგალობლიშვილი.

საქართველოს სოც. საბჭ. რესპუბლიკის სახალხო
კომისართა საბჭოს საქმეთა მმართველი პ. მეგრელიშვილი.

1928 წ. ივლისის 31.

ტფილისი—სახალფ.

119. დადგენილება ს. კ. ს.

საქართველოს სსრ ეკონომიურ საბჭოსთან არსებული, საზომ-საწონთა მეტრი-
ული სისტემის შემომღები საუწყებათაშორისო კომისიის ლიკვიდაციის შესახებ.

სსრკ სახალხო კომისართა საბჭოს მიერ „შრომის და თავდაცვის საბჭოს-
თან არსებული, მეტრიული სისტემის შემომღები ცენტრალური კომისიის ანგა-
რიშის გამო“ 1928 წ. მარტის 15-ს გამოტანილი (სსრკ კან. კრ. 1928 წლის მე-
20 №-რი, მუხ. 179) დადგენილებისა და ა/კსუსრ სახალხო კომისართა საბჭოს
მიერ „ა/კსუსრ უმაღლეს ეკონომიურ საბჭოსთან არსებული, მეტრიული სისტემის
შემომღები ამიერკავკასიის საუწყებათაშორისო კომისიის ლიკვიდაციის შესახებ“
1928 წ. ივნისის 21-ს თარიღით გამოქვეყნებული (ა/კსუსრ კან. კრ. 1928 წ.
მე-15 №-რი, მუხ. 152) დადგენილების თანახმად—სსრ სახალხო კომისართა
საბჭო ადგენს:

1. საქართველოს სსრ ეკონომიურ საბჭოსთან არსებული, საზომ-საწონთა
მეტრიული სისტემის გამტარებელი საუწყებათაშორისო კომისია და აგრეთვე
აეკონომიურ რესპუბლიკებსა და ოლქებში არსებული თანამდებობანი საუწყება-
თაშორისო მეტრიული კომისიის რწმუნებულებისა გაუქმებულ იქნეს 1928 წლის
ოქტომბრის 1-დან და წინადადება მიეცეს მათ მოახდინონ ამ ვადისათვის ყველა
თავისი საქმის ლიკვიდაცია.

2. საქართველოს სსრ ტერიტორიაზე საზომ-საწონთა მეტრიული სისტემის
საბოლოო განმტკიცებისათვის საჭირო ღონისძიებათა განხორციელება დაეკის-
როს სათანადო სახელმწიფო დაწესებულებათა და საწარმოთ, აგრეთვე კოოპე-
რატიულ და საზოგადოებრივ ორგანიზაციათ—მათ სათავეში მდგომ პირთა პა-
სუბისმეგობრობით.

3. საქართველოს სსრ ტერიტორიაზე საზომ-საწონთა მეტრიული სისტემის
საბოლოო განმტკიცების გეგმის განხორციელებისათვის მეთვალყურეობის გაწევა
დაეკისროს საქართველოს სსრ ეკონომიურ საბჭოსთან დასანიშნ ინსტრუქტორს,
რომელიც მისთვის დაკისრებული მიზნის განხორციელებისათვის გამოიყენებს
საზომ-საწონთა პალატის აპარატს.

საქართველოს სოც. საბჭ. რესპუბლიკის სახალხო
კომისართა საბჭოს თავმჯდომარის მოადგილე გ. მგალობლიშვილი.

საქართველოს სოც. საბჭ. რესპუბლიკის სახალხო
კომისართა საბჭოს საქმეთა მმართველი პ. მეგრელიშვილი.

1928 წ. აგვისტოს 14.

ტფილისი—სახალფ.

120. დ ა დ გ ე ნ ი ლ ე ბ ა ს. კ. ს.

სამელიორაციო ამხანაგობათა შესახებ.

საქართველოს სსრ სახალხო კომისართა საბჭო აღდგენს:

1. სამელიორაციო ამხანაგობა მოეწყობა უმთავრესად იმ მიზნით, რათა შეერთებულის ძალით აავოს, გამოიყენოს, წესიერად შეინახოს და დაიცვას ასაგები ან უკვე აგებული ჰიდრო-ტექნიკური სისტემები, რომელთა დანიშნულებაა მიწის მორწყვა, დაშრობა, არხის და ხევის ნაპირების გამაგრება და სხვა.

ამხანაგობას შეუძლიან აგრეთვე აწარმოოს ყოველგვარი სასოფლო-სამეურნეო საქმიანობა, ე. ი. შეიძინოს სამეურნეო იარაღი და მანქანები, მიწის ხელოვნური სასუქები და ინსექტისიდები, კალექტიურად დაამუშაოს მიწები, შემოიღოს უფრო შემოსავლიანი სამეურნეო კულტურები, გადაამუშაოს და გაასაღოს სასოფლო პროდუქტები და სხვა.

2. ყოველგვარ ჰიდრო-ტექნიკურ სისტემის აგება-გამოყენების და შეკეთება-დაცვის საქმეში სამელიორაციო ამხანაგობა ექვემდებარება საქართველოს წყალთა მეურნეობის სამმართველოს, ხოლო სასოფლო-სამეურნეო დარგში—სოფლის კავშირს. სამელიორაციო ამხანაგობანი შედიან სასოფლო-სამეურნეო კოოპერაციის ქსელში (თანხმად საქ. სახალხო კომისართა საბჭოს 1928 წ. მარტის 30-ის დადგენილებიან).

3. საქართველოს წყალთა მეურნეობის სამმართველო და სოფლის კავშირი გამოიკვლიენ ერთად ამა თუ იმ რაიონში სამელიორაციო ამხანაგობის დაარსების საჭიროებას.

4. სამელიორაციო ამხანაგობის წესდებებს დაამტკიცებს სოფლის კავშირი საქართველოს წყალთა მეურნეობის სამმართველოსთან შეთანხმებით და ამის შემდეგ იგი გაიზიანება სარეგისტრაციოდ კოოპერაციის საქმეთა სამმართველოში.

5. ყოველგვარი წინასწარი კვლევა, მაგ. ჰიდროტექნიკური, გეოლოგიური, ტოპოგრაფიული, საანალიზო, გეო-ბოტანიკური და აგრო-ეკონომიური ამა თუ იმ ტიპის მელიორაციის შესახებ იწარმოება საქართველოს წყალთა მეურნეობის სამმართველოს მიერ მიწადმოქმედების სახალხო კომისარიატთან შეთანხმებით (თანხმად საქ. სახალხო კომისართა საბჭოს 1928 წ. მაისის 16-ის დადგენილებიან); წყალთა მეურნეობის სამმართველო შეადგენს აგრეთვე ამა თუ იმ სამუშაოთა გეგმას, პროექტს და ხარჯთ-აღრიცხვას.

6. ჰიდრო-ტექნიკურ სამუშაოს აწარმოებს წყალთა მეურნეობის აპარატი ან, წყალთა მეურნეობის სამმართველოს თანხმობითა და მისი უშუალო ტექნიკური ხელმძღვანელობით, სამელიორაციო ამხანაგობა.

7. საქართველოს სსრ-სამეურნეო ბანკი მისცემს ამხანაგობას თანხებს საკრედიტო ფონდიდან თანხმად წესდებისა—წყალთა მეურნეობის სამმართველოს და სასოფლო-სამეურნეო კოოპერაციის მიერ შედგენილ გეგმის მიხედვით.

8. ჰიდრო-ტექნიკურ ნაგებობათა ყოველწლიურად შეკეთებისა, ამ ნაგებობათა ექსპლუატაციისა, წყლის განაწილებისა, წყლის სარგებლობისათვის გადა-

სახადის დაწესებისა და სამელიორაციო სესხის დაფარვის შესახებ სამელიორაციო ამხანაგობა შეადგენს სათანადო პროექტს და გაუგზავნის დასამტკიცებლად საქართველოს წყალთა მეურნეობის სამმართველოს.

9. სამელიორაციო ამხანაგობებს ყოველგვარ აგრო-კულტურულ მუშაობაში ხელმძღვანელობას უწევს სოფლის კავშირი, საქართველოს სსრ მიწათმოქმედების სახალხო კომისარიატთან შეთანხმებით.

10. სამელიორაციო ამხანაგობების მოქმედებათა ყოველწლიურ რეეიზის წესრიგს შეიმუშავენებენ ერთად წყალთა მეურნეობის სამმართველო და სოფლის კავშირი; ესენივე მოახდენენ ამ რეეიზიას.

11. სოფლის კავშირი გაუწევს სამელიორაციო ამხანაგობებს სრულ ზედამხედველობას, რათა ყოველი ხარჯი წესისამებრ იყოს შესრულებული და ანგარიშში გატარებული, საერთოდ კი ყოველგვარი შემოსავალ-გასავალის ანგარიშწარმოება ემყარებოდეს ბუხპალტერიის წესს და გამართლებული იყოს სათანადო დოკუმენტებით.

საქართველოს სსრ სახალხო კომისართა

საბჭოს თავმჯდომარის მოადგილე გ. მგალობლიშვილი.

საქართველოს სსრ სახალხო კომისართა

საბჭოს საქმეთა მმართველი პ. მეგრელიშვილი.

1928 წ. აგვისტოს 21.

ტფილისი სახალხო.

გამოქვეყნებულია ვაზ. „კომუნისტის“ 208 №-ში, 1928 წ. სექტემბრის 7.

121. დ ა დ გ ე ნ ი ლ ე ბ ა ს. კ. ს.

მუშათა და გლეხთა წითელ არმიის საკომანდო შედგენილობისა და კავშირგაბმულობის მომუშავეთათვის საცხოვრებელი სივრცის მიცემის შესახებ.

საქართველოს სსრ სახალხო კომისართა საბჭო ადგენს:

1. წინადადება მიეცეს საქართველოს სსრ ადგილობრივ აღმასრულებელ კომიტეტებს და ქალაქის საბჭოებს—მისცენ მუშათა და გლეხთა წითელი არმიის საკომანდო შედგენილობისა და კავშირგაბმულობის მომუშავეთა საბინაო საჭიროების დასაცმაყოფილებლად ნაწილი იმ საცხოვრებელი სივრცისა, რაც მიღებულ იქნება ახალი საბინაო მშენებლობით, — არა ნაკლებ 10¹/₁₀-სა ტფილისში და 5¹/₁₀-სა სხვა ადგილებში.

2. ამა დადგენილების 1-ლი მუხლით დაწესებული საცხოვრებელი სივრცის ოდენობას გადასინჯავენ ადგილობრივი აღმასრულებელი კომიტეტები და ქალაქის საბჭოები ყოველწლიურად, საბიუჯეტო წლის გასულს, ერთის მხრით, მუშათა და გლეხთა წითელი არმიის საკომანდო შედგენილობისა და კავშირგაბმულობის მომუშავეთა საბინაო საჭიროებისა და მეორეს მხრით თვითელი აღმასრულებელი კომიტეტის და ქალაქის საბჭოს მშენებლობის გეგმის მიხედვით.

3. წინადადება მიეცეს აუხაზეთის სს რესპუბლიკისა და აჭარისტანის ავტონომიური სს რესპუბლიკის სახალხო კომისართა საბჭოებს და აგრეთვე სამხრეთ-



ოსეთის ავტონომიური ოლქის ცენტრალურ აღმასრულებელ კომიტეტს—გამოსცენ ანალოგიური დადგენილებანი.

საქართველოს სსრ სახალხო კომისართა
საბჭოს თავმჯდომარის მოადგილე გ. მგალობლიშვილი.

საქართველოს სსრ სახალხო კომისართა
საბჭოს საქმეთა მმართველი პ. მეგრელიშვილი.

1928 წ. აგვისტოს 24.
ტფილისი—სასახლე.

გამოქვეყნებულია ვახ „კომუნისტის“ 212 №-ში 1928 წ. სექტემბრის 12.

122. დ ა დ გ ე ნ ი ლ ე ბ ა ს. კ. ს.

განათლების სახალხო კომისარიატისათვის სამხატვრო კოლექციებისა და ნივთების გადაცემის შესახებ.

1923 წლის ნოემბრის 12-ის თარიღისა და 114 №-ის დადგენილების დამატებად საქართველოს სსრ სახალხო კომისართა საბჭო აღდგენს:

წინადადება მიეცეს საქართველოს სსრ ყველა სახელმწიფო ორგანოს, რომლის განკარგულებაშიაც არის რაიმე სამხატვრო კოლექცია ან მხატვრული მნიშვნელობის ცალკე ნივთები, გადასცეს ყოველივე ეს, ორი თვის განმავლობაში ამა დადგენილების გამოქვეყნებიდან, საქართველოს სსრ განათლების სახალხო კომისარიატს საქართველოს მუზეუმში მოსათავსებლად.

სსრ სახალხო კომისართა საბჭოს
თავმჯდომარის მოადგილე გ. მგალობლიშვილი.

სსრ სახალხო კომისართა საბჭოს
საქმეთა მმართველი პ. მეგრელიშვილი.

1928 წ. აგვისტოს 24.
ტფილისი—სასახლე.

123. დ ა დ გ ე ნ ი ლ ე ბ ა ს. კ. ს.

სოფლად სავალდებულო საგადანაკვეთო დაზღვევის პრემიების შეკრების სათემო აღმასრულებელი კომიტეტებისათვის დაკისრების შესახებ.

რათა სოფლის მოსახლეობისათვის სავალდებულო საგადანაკვეთო დაზღვევის პრემიების გადახდებიანების საქმე წარმატებით მიმდინარეობდეს, საქართველოს სსრ სახალხო კომისართა საბჭო აღდგენს:

1. სოფლის მოსახლეობისათვის საეკონომიკური საგადანაწევით დაზღვევის პრემიების (შესატანი თანხა) გადახდევინება 1928 წლის ოქტომბრის 1-დან დაეკისროს სათემო აღმასრულებელ კომიტეტებს.

პრემიების შეკრფასთან დაკავშირებული ხარჯების ასანაზღაურებლად დაწესებულ იქნეს სათემო აღმასრულებელი კომიტეტების სასარგებლოდ თემის ფარგლებში შეკრფილი პრემიების ანარიცხი $4\frac{1}{2}\%$ -ის რაოდენობით.

2. ნება მიეცეს საქართველოს სსრ სახელმწიფო დაზღვევის სამმართველოს: ა) შეუთანხმდეს სათემო აღმასრულებელ კომიტეტებს ამა დადგენილების განხორციელების საკითხის შესახებ და თანაც დაუყოვნებლივ გადასცეს მათ სათანადო მასალები და ბ) გააუქმოს ამკრეფთა შტატი.

3. წინადადება მიეცეს აფხაზეთის სსრ-ისა და აჭარისტანის ავტონომიური სსრ-ის სახალხო კომისართა სექციებს და აგრეთვე სამხრეთ-ოსეთის ავტონომიური ოლქის ცენტრალურ აღმასრულებელ კომიტეტს გამოსცენ ანალოგიური დადგენილება.

საქართველოს სსრ სახალხო კომისართა
საბჭოს თავმჯდომარის მოადგილე გ. მგალობლიშვილი.

საქართველოს სსრ სახალხო კომისართა
საბჭოს საქმეთა მმართველი პ. მეგრელიშვილი.

1928 წ. სექტემბრის 11.
ტფილისი-სახალხე.

შეძღოვის განსჯობა.

№ 11—მუხ. 106. გვ. 219—მუხ. 3. პუნქტ. ვ.
არის—177 მუხ. „ვ“ პუნქტ.
უნდა იყოს—177 მუხ. „ზ“ პუნქტ.